

28. JACKO AVEC REQUIN

Alors un jour ti ennan un Jacko qui ti reste dans un pied coco dans bord la mer. Un jour i faire z'amie avec un gros requin, qui vine assise en bas sa pied coco tou les jours, pour li ecoute zistoire qui Jacko y a raconte. Un jour requin i dire avec Jacko, "Mon tia content ou tia vine dans la cour, mon Roi avec mon famille tia content voir ou, tout le jour mon cause apre ou." Jacko i repondre: "Mon tia content vini, mais seulement mon pas conne nage, qui maniere mon pour capable vine chez ou." Requin i repondre "mais pour sa, pa traca mon frere, moi capable mette ou lo mon le dos, moi va ammene ou tous dilons chemin. Descendre ennous aller." Frere Jacko tous son malin mais ine bette un coup, y sautte lo le dos requin et zotte alle. Dans chemin le temps zotte pe alle requin y dire: "Mai mon pa fine dire ou afaire mon oule ou vine dans la cour, mais acause mon le Roi i malade, docteur i dire li faudrait i mange le coeur Jacko pour li bien. Mais la moi pe ammene ou cotte li, Mais Frere Jacko pas vivre leur i tende requin i dire li ca. I tellement peur qui i guette derniere li, y pas voir ni la terre, juste de l'eau quatre cote. Jacko i dire dans li meme "Mais qui betise monne faire, "tout de meme pas perd in gagne i dire avec requin "Mon Frere Requin, mais mon bien chagrin pour moi dire ou, ou connait mon pas ti ammene mon le coeur avec moi." Mais requin i reponde "mon pas comprendre, qui ou dire moi, oune dire moi qui ou quitte oule coeur chez ou." Jacko i tailler pour li repondre oui? Qui mon oule dire ou, qui mon un qualite Jacko mais mon pas pareille avec tous le autres. L'heure mon sorti mon pas ammene mon le coeur avec moi. Moi monne quitte pour moi dans mon pied coco cotte mon rester. Mais si ou tia retourne avec moi mon tia alle cherche." Requin i dire "Mon pas gagne un comprend qui ou pe dire moi, si oune quitte chez ou, mon a besoin alle cherche. Requin li grand sotte i croire vrai, alors y retourne avec Jako a terre pour alle cherche son le coeur.

Jacko i rier i dire dans li meme, "mais ou pas pou gagne moi encore, sa voyage oliou moi quitte mon le coeur, mon a quitte imbecile, ou pas pour; o plonge moi dans canale." Jacko pe rier meme, i dire avec Frere requin, guette en l'air dans

pied coco, ou capable voir mon le coeur cote i ete. Requin grand imbecile i mette Jacko a terre. Jacko i saute lo pied coco, mais requin i enbas pe espere jusqu'a l'heure i vieux, i crie un cou: "Mais ou pencore voir ou le coeur degager pou nous alle, sans sans mon Roi y a gagne le temps mort. Jacko i repond "Oui monne voir mon le coeur i la i bien, mais seulement mon pas pour vine encore en bas, s'apres ou ou magine qui moi mon pareille borique, mon pas comprend mais ou pas bete. Requin y fine encolere, i dire avec Jacko "Qui bourique, jamais monne deja tende apres li, acconte moi son z'histoire, sa veut dire, Jakco i dire avec requin Bourique la tete i dure, i pas comprend, quand Bon Dieu ti donne li son non, i pas ti tende, Bon Dieu i dire ou appel Heee haaaan!! Mais ti decende i dire avec son femme qui mon croire mon appelle Bourique. Mais son femme ti demande li, sa leur la i ti gagne plus joli nom qui ti ennan lo la terre. Mais i pas ti content sa nom, i ti plutot tende bourique accuse son la tete et ti dire, la son histoire qui Jacko tia acconte requin. Mais requin la force i ti encolere i bat delo, et i aller y arrive cotte le Roi ine mort. La depuis sa jour tous requin pous zotte revenge, zotte pas ouler voir aucune quec chose dans son li yeux, tous ca qui dans son la borde i avalle meme, quand meme dimoune, i mange meme.